

西南稀見叢書文獻

第五卷

中國西南文獻叢書·二編

中國西南文獻叢書編輯委員會

中國西南文獻叢書二編·第二輯

西南稀見叢書文獻

第五卷

甘肅省古籍文獻整理編譯中心
中國西南文獻叢書編輯委員會
編

本輯主編：徐希平

本卷目錄

曲石叢書 五	〔民國〕李根源輯	〇〇三
羅生山館詩文集	〔民國〕李學詩撰	〇〇五
九保金石文存	〔民國〕李根源錄	一〇九
陳圓圓事輯	〔民國〕況周頤輯	二七一
交養軒遺集	〔民國〕金澤撰	四一三

【民國】李根源輯

曲石叢書

五

李根源（公元一八七九至一九六五年）字印泉，又字養溪、雪生，號曲石，別署高黎貢山人，祖籍山東益都（今山東青州），生於雲南騰越（今雲南騰冲）。《曲石叢書》據騰冲李氏曲石精廬民國十七年印本，收入作品除李根源自撰之作外，還包括李學詩、曹琨、孫光庭、況周頤、金澤等人著作共計十九種，篇幅浩繁，內容豐富，於雲南省近代歷史文化研究，具有重要的史料和研究價值。此書初刻於民國十七年（一九二八年），以後又曾陸續補印數次，收錄其它著述，如《景遂堂題跋》三卷，單魚尾。版芯上部刻書名，下部刻『曲石叢書』字樣。四周單邊。下細黑口。寬十七釐米，『太炎』私印一枚。書牌頁：『中華民國二十一年壬申十二月蘇州封門曲石精廬印版』，可見一九三二年後續刻有所增補。

【民國】李學詩撰

羅生山館詩文集

羅生山館詩

集

昆明顧視高署



版藏詩門全
街曲石精廬

羅生山館詩文集序

希白卒之明年曲石檢其生平撰著曰羅生山館詩集五卷文集一卷將付剞劂而屬余參校體之役余惟希白之爲人其沉雄磊落具詳太炎鶴望所撰誌傳亦何待贅言顧嘗斬將擐旗立功萬里外卒老死吳下僅僅以詩文見是誠希白之不幸然而卽其詩文以言雍容雅健雖不足與唐高岑比抑亦劉銘傳彭玉麟之流亞也豈陋儒俗子批風抹月者所能夢見哉希白與余初無一面交歲乙丑冬余始識曲石因詢知余爲恭肅公後卽以所藏公笏見還越二年丁卯復於風雨中過紫

羅生山館詩文集序

石山灣得公墓馳書相告并手拓墓旁賜諡碑附長跋後有五古一章詩筆縱橫字體古拙諦視署欸爲希白因知卽曲石之兄而當日西山訪古爲同伴者也雖未謀面已心儀其人矣因卽次韵報謝而同時章齋亦慕其風義作詩唱酬又明年戊辰四月余將謁墓造曲石所請爲嚮導曲石適病疽不克行方執手躊躇閒座有客蒼髯衣布褐奮臂起曰我導往趨詢之卽曩曰所心儀之希白也翌晨買小舟經胥江過橫塘詣紫石山灣先恭肅墓所舟中歷述辛亥之役統軍由騰越下永昌出順雲緬寧平譚洪鑫之亂及壬子提兵援藏克鹽井

巴裏塘諸要隘目炯炯掀髯抵掌高談驚其四座今曾幾何時而希白竟爲古人矣追懷曩昔能不泫然然而讀其集中紀辛亥九月六日事及援藏勘邊諸什又南界所見錄紅蚌河定界記諸篇猶虎虎有生氣彷彿當日在胥江道中駕一葉舟掀髯抵掌高談時也語曰詩以道性情又曰言爲心之聲今讀希白之詩若文則希白之性情不皎然與日月爭光耶噫巨卿後死敢負生平敬禮定文但存餘痛書成擲筆不知吾涕之何從也中華民國二十年三月一日吳江周麟書謹敘於笏園之傳笏堂

羅生山館詩文集 周序

羅生山館詩文集序

自來蠻荒絕徼之鄉山川景物風土民情祕之數千年
一旦得文人學士竄身其地爲之發揚歌詠開宇宙間
未有之奇境卽爲古今來未有之奇文文人學士之幸
耶抑其不幸耶吾嘗徵之於古則有子厚之竄柳州子
瞻之渡嶠耳鑿渾沌而絢鴻濛光燄萬丈別開生面稽
之於今則有楊升庵之謫南詔王蘭泉趙甌北之從征
緬夷亦復身行萬里目空一世陸離光怪信手拈來道
人所未道不可謂非文人學士之不幸也竊意天地間
不可多得之奇境奇文都被前人占盡而無有能繼起

羅生山館詩文集 九序

三

者矣乃今讀羅生山館詩文集不禁歎李先生希白之
追蹤躡跡於古之文人學士真有推倒一世開拓萬古
之心胸焉先生以諸生從戎游至維西協副將嘗帥數
千健兒鏖戰於邊雲蠻雨之鄉復勘野人山滇緬界址
深入窮荒中瘴幾殆耳爲之窒乃功高不賞窮無復之
依其介弟印泉閣揆於吳中卒因瘴毒復作且死矣真
不幸之尤者也閣揆集其游跡所至自省親驃樂迄於
僑居蘇州得詩五卷文一卷命爲之序往者先生有治
平吟草之刻嘗相與擊節吟誦今則已歸道山矣青楓
黑塞尙復從何商榷哉先生之詩若文皆長槍大戟揮

灑自如無事雕琢展卷雜誦覺與古之柳若蘇近之楊
若王若趙若同若異不必較論工拙而一種不可磨滅
之心事可傳則一也然則先生之成是集也先生之幸
耶抑先生之不幸耶庚午十月吳縣亢惟恭謹序

羅生山館詩文集 九序

目

愛荷寺此列

羅生山館詩文集序

古今當鼎革之際其始也閭閻竹帛藏氣經緯磅礴鬱積蘊蓄之於神皋奧區者於是兩蔽不祕其菁華萬物爭呈其綵綴其於人也則必有瓊寄俊偉磊落英多之士挺生其間不惟陷腰引弩挽兩石弓介冑汗馬馳驅萬里兼通文藝冠履詩禮暇獵史傳實大而聲宏閣中而肆外者吾友騰衝帝白李先生是已先生斧藻至德琢磨令範道潤金璧言炳丹青綜其生平少而學詩長而經商壯而從戎老而養性往往發之爲詩先生生於同治甲戌卒於民國庚午五十七年中束髮讀書摘藻

羅生山館詩文集序

五

騰衝李氏刻

下筆泊夫甄贖相尋鞫譯無曠是爲居鄉及游緬詩卷一透迤修迴四牡駢駢郭隨遙望須臾婆娑是爲大理及昆明詩卷二藏緬荒服壤本三危唐蒙上書約爲置吏士離暑溼死者甚眾是爲征藏勘邊詩卷三遭紛濁而遷地漫踰紀以迄今悲舊鄉之壅隔涕橫墜而弗禁是爲僑居蘇州詩卷四及卷五先生窮理盡微發言抗論至其爲詩莫不潛神默運經以年歲例之劍南游蜀道園居贛篇章之富蔑以加矣顧三卷以前斯爲早年所作而四卷以後乃爲晚年之筆其間名山大川通都大邑揚芬如春華馳辯如波濤同至安南三至廣東再

至蘇滬一游杭州京津開封武漢九江安慶南京紀事之作奚啻倍蓰乃乙丑之役燬於羊城此先生所以唏噓太息而不置也大凡江湖廊廟各有會心鐘鼎林泉原非一致故當時際承平休明黼黻應制之作歸田之錄閑遊之集校獵之詩非不昭章雲漢暉麗日月牢籠天地彈壓山川然此特常軌耳烏足以擬先生爰自僑居吳下洽鄰衡宇南園千頃封水一泓每有佳章輒以相示未嘗不歎先生之盛德感人之深也介弟曲石將刊行羅生山館詩五卷文一卷命爲之序謹撮概略如此

羅生山館詩文集序

六

騰衝李氏刻

中華民國二十年元旦吳縣彭穀孫謹序

羅生山館詩集序

羅生山館詩集者吾友李希白作其從弟印泉輯而刻之者也始余與希白印泉游膠庠希白年差長印泉與余方應童試希白已以諸生赴秋試不第歸自省垣相見於永昌希白顰蹙承眶紺袍窄袖顧影自憐意態翩然顧希白家貧甚久之袍敝絮出於縫亦無以易一夕羣僦坐話孤燈閃閃有諧者顧謂希白姓且盡矣盍掀汝襟抽絮續之舉座皆笑希白夷然不以爲忤也希白鄉居訓蒙生徒日退時作時輟意殊不屬時或友朋宴集哦詩論古期期艾艾頭巾之氣施於四體一逢惡

羅生山館詩文集 李序

卷四李氏刻

少則又稱爾汝輪肝膽袖使酒喝雉呼盧樂此不疲偶或遠出忽學忽商亦自適其適不屑屑事家人生產如是者十餘年境日以困方是時余與印泉先後游學歸以一時風會見禮於大府仕版中各有名字印泉主雲南講武堂事希白遠來投門下折節爲老兵踰年入營伍辛亥發難騰越自領一軍略定順寧雲州緬寧授副將職又以康藏不靖率部攻克巴裏塘進規察雅振旅而還旋以裁缺去職奉令調事邊徼盛夏冒煙瘴走木邦阿瓦經孟艮車里以歸疾作彌年歲雖幸不死而耳聾矣公門趨走答非所問長官恐不堪事處之閒散

佗僚不自聊去而之他亦落落無所合如是者又十餘年余以年年壓綫爲人齟齬走海上印泉專方面贊綸扉一朝不樂亦息影吳下天涯咫尺時相過從一日過印泉忽見希白柴立廡下肩聳齒豁亂髮纒頰頽然老矣殷勤問訊大聲尙不能達意余惟驟然舉手作勢希白兩唇翕張斷續其聲自言十年落魄身外長物僅一破篋昨來登車且化爲冥鴻命也夫此後餘年子與印泉之責也余聞而慨然既哀希白行復自念退謂印泉吾自顧不暇希白聾且衰生養死葬是在吾子印泉亦悵悵而已希白既就食印泉饗殮不乏布褐麤完面上

羅生山館詩文集 李序

駭痕漸退終日兀坐斗室中據案搦管匆匆然如老學究無復當年跡弛之氣時或與印泉徜徉山水間苦吟不休物我皆忘而數千里外妻亡子喪一妾下堂少子與俱更從他姓又輾轉軍中其存其亡莫可蹤跡希白無如之何也嗚呼噫嘻希白之窮一至於此乎橫覽並世人才飛黃騰達者其賢於希白能幾何哉而希白獨若此求其說而不得無已則有一焉人生數十寒暑耳使希白而不窮幸得與並世人才比率其翩翩之故態日消磨於聲色貨利之中今日亦蕩爲冷風野馬泯然無存矣今希白亡而詩集尙在他日人知有希白又安

知尙知有並世人才哉希白權奇自喜人也詩不規規於繩墨而時能自出機軸別有意致知天之所以賦希白者不薄希白其亦可以無憾已書之以明希白之窮爲希白所由有詩集之故又以著印泉生養死葬之不足又從而梓其集之風義爲不可及也中華民國二十年秋八月朔有七日同里李曰垓書於騰越殖邊公署之北軒

羅生山館詩文集 李序

九

題詞

題羅生山館詩文集 有引

吳江費樹蔚 章

予與希白交淺但聞印泉先生言希白甚重子嘗請子表其父母之墓往復數函語意誠惻子亦以是重希白其歿也聞耗往弔則靈櫬已登舟出葑門爲之惘然越數月印翁授此稿使爲點定子乃盡讀之歎爲忠壯沖穆有古人風旣作書後文一篇復次集中祭郝將軍墓二詩元韻致其悲惋蓋題詞而兼挽歌之遺意焉

黃鸞絮酒不勝情廣柳寒波曉出城世厄霸才雄是鬼

羅生山館詩文集 題詞

天全名將老爲氓別來井里將魂返唱徹秋墳侍母清

謂閨太夫人
視君如子
精廬北齋窗外
多竹君嘗詠之

語笑無從見隔籬

君驛甚未嘗與款
語送客至離間止
心光死後一編知

肝腸熱豈悲生事瘴癘深還誓義師橫槊聲情仍篤

帷車感慨未衰疲

用曹景宗語
傳家珍重英靈在句法

莫漫醫

落句印書後
中後幅意

印公命校讀羅生山館集卽題其後

昆明王燦 湯山

壯從番地定西戎老向吳門作寓公剩有聲詩諧競病

潛生髀肉感英雄時非莫試屠龍劍壁上猶藏射虎弓
介弟能傳身後業如君安可謂天窮

題羅生山館集二律

吳江 費善慶 伯緣

有志男兒不眾同側身修行敢稱雄由來動地驚天事
豈外經文緯武功養到深時徵學識才於大處濟窮通
軍書旁午休嫌擾藉展宏猷表厥忠

援藏提兵又勘邊不辭勞瘁溯從前功成退隱頭街掛
身後名稱腹笥便縱使無官翔異路還欣有弟慰重泉
刊留遺稿昭如日功績分明次第編

辛未元日校羅生山館集獨酌詠懷

羅生山館詩文集 題詞

吳縣 朱錫梁 梁任

坐擁書城嘯且歌江鄉問道戢干戈羊兒歲月春霏雪
駒隙光陰東逝波不是紅塵知己少其如黃土故人多
梅花香裏一樽酒青史他年奈爾何

讀李希白先生羅生山館詩文集

吳江 沈昌眉 長公

百戰身當礮火中橫屍遍野血流紅一飛猶欲衝天起
兩耳因之著地聾李廣數奇嗟失路班超齒老悔從戎
著書事業名山在橫槊年華逝水同自昔出羣空冀北
只今獨步向江東清涼退隱韓忠武競病工吟曹景宗

不復于田擒白額轉來訪墓走青驄無官爲累雙肩側
有弟可依一脈通死後待刊三尺稿生前回顧九秋蓬
歸鄉魂魄家非遠傳世文章道未窮載讀紅蚌河界記
筆端虎虎亦生風

題羅生山館集

吳江 鈕家魯 東山

披堅執銳男兒事生平雅抱澄清志蚤從邊藏立奇勳
露布文成萬言試軍書旁午擾南天賴公獨立靖三邊
世有將才皆若此東鄰何敢逞烽煙我獨惜公早勇退
不然挺身出敵愾非關李廣數逢奇射虎功名所不愛
讀公遺著見公心尋山甘入煙霞深經文緯武才世出

羅生山館詩文集 題詞

魏衡李氏制

遁思不閤金玉音長吉詩才氣若虹紀遊紀事紀從戎
多君有弟友于篤珍護遺編付手工

哭希白道兄

貴池 王源翰 餘齋

介弟書來日繫余返故鄉將星隕吳下鄰笛慘山陽射
虎名空震雕蟲技更長英雄只如此天道信茫茫

校希白丈羅生山館遺集謹題

高郵 楊天麟 石卿

龍蛇阨陽九天喪老詩人留得千秋業長歸百戰身一
編傳外史萬里靖邊塵讀到驚奇處怡神更愴神

奉題李希白將軍遺集

吳縣 江 遲 晉之